


古聖賢偽傳畧

十二



			二二六	漢書門
		一三六	九	
一六四	六	九		
冊	架	函	號	類

庫文閣內			
二二六	二二六	漢	
函	九	書	
五六	九		
架	冊	號	類

內閣文庫	
番號	漢 2269
冊數	16 (12)
函號	290 47





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





元 遺 山 像

古聖賢像傳畧卷十二



長洲顧 沅湘舟輯



古聖賢像傳畧卷十二

歸文正像



古聖賢傳卷之二
公姓元諱好問字裕之號遺山秀容人七歲能詩及長淹貫經史
百家第進士官尚書左司員外郎公詩文皆備眾體蔚為一代宗
工又輯金源一代之詩為中州集人各系以小傳以備掌故入元
不仕學者稱遺山先生有遺山集

公姓耶律諱楚材字晉卿遼東丹王突欲八世孫三歲而孤母楊氏教之學及長博極羣書尤邃天文星歷世祖聞其名召置左右公身長八尺美髯雄聲高麗宋使來朝帝指示之曰汝國有此人乎皆謝曰無殆神人也凡制度典章軍旅政事皆其經畫仕終尙書令贈太師廣寧王諡文正

鍾文正像



公姓劉諱秉忠字仲晦邢臺人少年遁迹浮屠博學多材藝深於
數學世祖召見大奇之留置左右迨下江南常贊帝以天地好生
為德及帝即位命返初服拜太保領中書省事益以天下為己任
如建國號頒章服舉朝儀給俸祿定官制皆自公發之為一代成
憲十一年扈從至上都築室南屏山自稱藏春散人無疾端坐而
卒年五十九贈太傅封趙國公諡文貞成宗贈太師改諡文正仁
宗時又進封常山王

廉文正像



公姓廉諱希憲字善甫蒙古人布魯海牙子幼魁偉舉止不凡世祖在藩邸公年十九入侍一日方讀孟子聞召急懷以進世祖目之曰廉孟子累官至中書平章政事公為相振舉綱維綜核名實汰逐冗濫裁抑僥倖興利除害事無不舉典章文物粲然可考當時翕然稱治卒年五十贈忠清粹德功臣太傅儀同三司魏國公諡文正加贈太師上柱國恒陽王

文正公像



公姓姚諱樞字公茂柳城人後遷洛陽少力學有王佐才元太宗時從楊惟中南伐拔德安賜金符為燕京行臺郎中弃官移家至輝州錄程朱所註書以歸世祖召至首陳帝王治平大經世祖嘉納自是內修外攘之政悉委任焉累官至翰林學士承旨卒諡文獻

程文忠公像



公姓程諱鉅夫字文海南城人元初見知於世祖授翰林學士屢
 遷直學士兼秘書少監每有章疏言民間利病及請搜訪賢才帝
 皆嘉納之卒贈大司徒柱國諡文憲泰定中追封楚國公著有雪
 樓集

廂 走 回 像



公姓竇諱玉河陽人身長九尺膂力絕人從伯顏下江南擢領軍
千戶鎮守吳江長橋累官至浙江道都元帥時方勵勸吳人賴其
保障之功復新孔廟學宮禮賢下士有古良將風卒諡武宣

錫 靜 修 像



下聖賢傳卷十一

七

公姓劉諱因字夢吉容城人天資穎悟過人而留心性理之學家
雖貧非其義一介不取隱居教授至元間徵授右贊善大夫卒贈
翰林學士謚文靖封容城郡公學者稱爲靜修先生

趙松雪像



公姓趙諱孟頫字子昂別號松雪道人歸安人宋太祖子秦王德芳之後至元中程鉅夫奉詔搜訪江南逸才以公入見公才氣英爽望之若神仙中人世祖喜甚從容諮訪命坐右丞葉李上嘗與侍臣論文學士以公比唐李白宋蘇軾云公詩文奇逸篆隸真艸山水人物皆妙絕名天下學問尤無所不該前史官楊載稱其才為書畫所掩知其書畫者不知其文章知其文章者不知其經濟之學人以為知言累官翰林學士承旨榮祿大夫卒年六十九追封魏國公諡文敏著有松雪齋集

松雪齋
文公像



公姓歐陽諱元字原功號圭齋瀏陽人八歲即知屬文學進士歷
國子監祭酒入翰林學士三拜承旨修實錄經世大典宋遼金三
史凡朝廷制誥多出公手文章道德卓然名世卒追封楚國公謚
曰文

原 文 靖 像




公姓虞諱集字伯生臨川人宋丞相允文五世孫學問淵博元初
 以大臣薦除國子助教累遷奎章閣學士日取經史中切心德治
 道者陳進經筵每有顧問必隨事規諫一時大典冊成出其手嘗
 與弟槃同闢書舍為二舍左書淵明詩於壁題曰陶廬右書堯夫
 詩曰邵廬故學者稱為邵廬先生平生為文萬篇有道園學古錄
 行世卒贈仁壽公諡文靖

虞 集 字 伯 生




公姓揭諱侯斯字曼碩富州人博通五經屬文典麗官翰林侍講
學士同知經筵與修經世大典及遼金二史卒追封豫章郡公諡
文安

高 尚 書 像



二年由京師貢補工部令史至天中大夫刑部尚書好作墨竹妙處不減文湖州畫山水初學米氏父子後乃用李成董源巨然法造詣精絕歿後購遺墨者一紙率千百緡

楊 仲 卣 像



公姓楊諱瑀字元誠錢塘人自號竹西居士警敏博學天歷間召見奎章閣命篆洪禧明聖文稱旨署廣成局副使終建德路總管謝政居松江之鶴沙趙仲穆為寫竹西圖

伯文節像



公姓伯諱顏一名師聖字宗道蒙古人居開州濮陽縣少穎悟過人弱冠卽以斯文爲己任至正四年以隱士徵授翰林待制辭歸復起爲江西廉訪僉事以病免歸從學者至千餘人十八年河南賊蔓延河北公猝與賊遇誘以富貴不屈引頸受刃與妻子俱死年六十有四事聞諡文節

余忠回像



公姓余諱闕字廷心合肥人天資英邁博學能文至順中進士累
官至廉訪司僉事至正壬辰天下兵起公時權淮西宣慰副使分
守安慶立旌忠祠以勵將士時集祠下大聲謂曰男兒生則為韋
孝寬死則為張巡許遠慎不可為不義屈丁酉冬賊大集諸部圍
城樵餉路絕城陷公猶帥師血戰身中三矢遂自刎赴水死事聞
贈淮南行省平章政事謚文忠所著有青陽集明太祖定鼎謚曰
忠宣命有司立祠祀之

蔡子英像



公姓蔡諱子英永寧人元季舉進士累官顯官元軍敗單騎走關
中入南山有司以形求之械送京師命釋之授以官不受退而上
書大畧謂臣之事君猶女之適人一與之醮終身不改事君之道
一食其祿終身不二朝廷重之命館於儀曹忽一夜大哭不止人
問故公曰思舊主爾帝知其志不可奪命送之出塞

薛經歷像



公姓薩諱都刺字天錫號直齋雁門人泰定丁卯進士第應奉翰林文字出為燕南經歷擢御史以彈劾權貴左遷鎮江錄事歷進河北廉訪經歷工於詩著有雁門集

孔 平 江 像




公姓孔諱克信字達夫曲阜人至聖五十五世孫官泗水縣教諭
尼山書院長至正七年遊學江南順帝知公學問優長授為平江
路總管不受值世亂南北隔絕遂家焉是為遷蘇始祖歿年七十
有八墓在吳山嶺西

王元章像



公姓王諱冕字元章諸暨人磊落有大志穿曳地袍翩翩行兩袂
軒翥下東吳渡江入淮楚北抵燕都歷覽名山川搜訪奇才俠客
談古豪傑事呼酒悲歌隱山谷中著書一卷坐臥輒隨秘不使人
觀曰吾未卽死持此以還明主晚隱居九里山種梅千樹名其廬
曰梅花書屋明太祖嘗聘至軍前一夕亡去不知所之



天保壬辰

